

A Si enim circa accidentia demonstratio est, circa substantias non est. Quod si altera, quænam vtraque & vtra sapientia sit, demonstrativa quidem sapientia, qua circa accidentia est, an vero, qua circa ipsa prima, quæ substantiatum est. Ac nec circa causas, quæ in naturalibus dicitur sunt, quam quædam scientia ponenda est: neque enim circa ipsum, cuius causa. Tale enim, est bonum. Hoc vero in agendis, & B iis, quæ sunt in motu, existit. Et hoc primum mouet. Tale nanque finis est. In immobilibus vero, primum mouens non est. Et omnino dubitationem habet, utrum circa sensibiles substantias est, quæ nunc queritur, scientia, an non, sed circa alias quædam. Etenim si circa alias, aut circa species erit profecto, aut circa mathematica. Quod autem species non sint, manifestum est. Attamen etiam si quis eas C ponat esse, dubitationem habet, cur non ita se habet de ceteris, quorum species sunt, quemadmodum de mathematicis. Dico autem, quod mathematica quidem media ponunt specierum, & sensibilium esse, quasi tertia quædam præter species, & ea, quæ hic sunt: ac tertius homo non est, nec equus, præter ipsum, & particulares. Quod si, ut aiunt, non sunt, circa qualia ponendum est, quod mathematica tra- D detur non enim circa ea, quæ hic sunt. Nihil enim horum tale est, quale mathematicæ scientiæ queruntur. At verò nec circa mathematica est, quæ nūc queritur scientia: nihil enim horum separatum est. Verum nec sensibilium substantiatum: corruptibles nanque sunt. Et omnino dubitate aliquis possit qualisnam scientiæ sit, de mathematicorum materia dubitare. Nec enim naturalis, eo quod circa ea, quæ E in se principium motus & quietis habent, omnis naturalis intentio est. Nec illius, quæ de demonstratione, & scientia tractat: circa nanque id ipsum genus, considerationem facit. Restat itaque philosophiam propositam, de hisce rebus tractare. Dubitauerit autem quispiam profecto, si hæc, quæ queritur, scientia, ponenda sit circa principia, quæ à quibusdam elementa vocantur; hæc autem omnes inesse compotitis ponunt. At magis videatur, vniuersalium eam oportere esse, quæ queritur scientia. Omnis enim ratio, omnis scientia, vniuersalium, non ultimorū est: quare sic erit vtiique, primorum generum. Hæc autem sane fuerit ens, & unum. Hæc enim maximè putabuntur cuncta entia continere, & maximè principiis assimilari.